

孫子集注



孫子集成

郭化若題

謝祥皓
劉申寧
輯

齊魯書社

第二十冊

孫子集註	一
孫子淺說	九一
孫子兵法集釋	一七五
孫子十三篇	二一九
孫子選註	二六九
諸子菁華錄・孫子	四七一
孫子兵法史證	五一五

孫子黃韜卷

孫子集註

周文社發行

歷代注家姓氏

漢

曹氏操

王氏淩

張氏子尚

魏

賈氏詡

蕭氏吉

吳

沈氏友

梁

孟氏

唐

孫

子集註

卷

一 序 幾 堂 本

杜氏佑

李氏荃

杜氏牧

陳氏皞

賈氏林

紀氏燮

朱氏服

宋氏奇

宋

蘇氏軾

梅氏堯臣

王氏哲

何氏延錫

張氏預

吉氏天保

鄭氏友賢

晁氏公武

明

王氏鳳洲

歸氏有光

清

畢氏以珣

孫氏星衍

孫子集成

孫子集成
卷之六
六

孫子集注叙目

卷首

本傳

例言

卷上

始計

作戰

謀攻

軍形

兵勢

虛實

軍爭

卷下

孫子集注

卷上

一

一

存
堂本

九變

行軍

地形

九地

火攻

用間

參校同人

鄭甯 黃培英子璘

長沙 萬焯溪亭

同宗 黃皖子雲

本傳

史記曰。孫子武者。齊人也。以兵法見於吳王闔廬。吳越春秋曰。吳王登臺。

羣臣莫有曉王意者。子胥知王之不定。乃薦孫子於吳。孫子者。吳人也。善爲兵。法。辟隱幽居。世人莫知其能。按。鄧名世。姓孫氏。辨證齊曰。齊敬仲五世孫肅。爲齊大夫。伐莒有功。景公賜姓孫氏。食采樂安。生調。爲齊卿。馮生武。字長卿。以田施四族。謀作亂。奔吳。爲將軍。可證史記之爲齊人。

闔廬曰。子之十三篇。吾盡觀之矣。可以小試勒兵乎。對曰。可。闔廬曰。可試

以婦人乎。曰。可。於是許之。出宮中。美人得百八十人。按。吳越春秋。孫子分

爲二隊。以王之寵姬二人。各爲隊長。皆令持戟。令之曰。汝知而心與左右

手背乎。婦人曰。知之。孫子曰。前則視心。左視左手。右視右手。後即視背。婦

人曰。諾。此真是善於告兵法者。約束既布。乃設鈇鉞。即三令五申之。於是鼓之。右婦

人大笑。孫子曰。約束不明。申令不熟。將之罪也。復三令五申而鼓之。左婦

人復大笑。孫子曰。約束不明。申令不熟。將之罪也。既已明而不如法者。吏

士之罪也。乃欲斬左右隊長。吳王在臺上觀。見且斬愛姬。大駭。趣使下令

曰。寡人已知將軍能用兵矣。寡人非此二姬。食不甘味。願勿斬也。孫子曰。

孫子集註 卷上 一 存 幾 堂 本

臣既已受命爲將。將在軍。君命有所不受。遂斬隊長二人以徇。用其次爲隊長。於是復鼓之。婦人左右前後跪起。皆中規矩繩墨。無敢出聲。於是孫子使使報王曰。兵既整齊。王可試下觀之。唯王所欲用之。雖赴水火猶可也。吳王曰。將軍罷休就舍。寡人不願下觀。孫子曰。王徒好其言。不能用其實。吳越春秋與此畧同。下有子胥諫曰。臣聞兵者凶事。不可空試。故爲兵下而威諸侯。非孫武之將。而誰能涉灌淪。越千里而戰者乎。於是吳王大悅。按教戰。美人畢類。無類而斬。王二姬以遊戲。批逆鱗。似非慎言兵者所爲。若非子胥在旁。幾蹈不測。然自古女戎禍國。類皆奇偉之主。或者閭廬不無溺於聲色。子胥白喜。未克匡君。而特假手於孫子歟。未可知也。於是閭廬知孫子能用兵。卒以爲將。西破彊楚。入郢。北威齊晉。顯名諸侯。孫子與有力焉。吳越春秋。孫子與吳王論兵。問答引在九地篇注中。茲不贅。孫武既死。後百餘歲有孫臏。臏生阿鄆之間。臏亦孫武之後世子孫也。趙絕書。吳縣巫門外大家孫武冢也。去縣十里。以下附臏傳。孫臏嘗與龐涓俱學兵法。龐涓既事魏。得爲惠王將軍。而自以爲能不及孫臏。乃陰使召孫臏。臏至。龐涓恐其賢於己。疾之。則以法刑斷其兩足。而

黥之欲隱勿見。齊使者如梁。牘以刑徒陰見。說齊使。齊使以爲奇。竊載與之齊。齊將田忌善而客待之。忌素與齊諸公子馳逐重射。孫子見其馬足不甚相遠。馬有上中下輩。於是孫子謂田忌曰。君弟重射。臣能令君勝。田忌信然之。與王及諸公子逐射千金。及臨質。孫子曰。今以君之下驕與彼上驕。取君上驕與彼中驕。取君中驕與彼下驕。既馳三輩畢。而田忌一不勝。而再勝。卒得王千金。讓一不勝而勝其二。詐智也。

於是忌進孫子於威王。威王問兵法。遂以爲師。其後魏伐趙。趙急請救於齊。齊威王欲將孫臏。臏辭謝曰。刑餘之人不可。辭將。所以隱其名。不使魏知也。

於是乃以田忌爲將。而孫子爲師。居輜車中。坐爲計謀。田忌欲引兵之趙。孫子曰。夫解雜亂紛糾者。不控捲。救鬪者。不搏擲。批亢擣虛。形格勢禁。則自爲解耳。今梁趙相攻。輕兵銳卒。必竭於外。老弱罷於內。君不若引兵疾走大梁。據其街路。衝其方虛。彼必釋趙而自救。是我一舉解趙之圍。而收弊於魏也。田忌從之。魏果去邯鄲。與齊戰於桂陵。大破梁軍。後十五年。魏

與趙攻韓。韓告急於齊。齊使田忌將而往。直走大梁。魏將龐涓聞之。去韓而歸。齊軍既已過而西矣。孫子謂田忌曰。彼三晉之兵。素悍勇而輕齊。齊號爲怯。善戰者因其勢而利導之。兵法百里而趣利者蹶上將。五十里而趣利者軍半至。見軍爭篇使齊軍入魏地爲十萬竈。明日爲五萬竈。又明日爲二萬竈。龐涓行三日。大喜曰。我固知齊軍怯。入吾地三日。士卒亡者過半矣。乃棄其步軍。與其輕銳。倍日并行逐之。孫子度其行。莫當至馬陵。馬陵道狹。而旁多阻隘。可伏兵。乃斫大樹。白而書之曰。龐涓死於此樹之下。於是令齊軍善射者。萬弩夾道而伏。期日莫見火舉而俱發。龐涓果夜至斫木下。見白書。乃鑽火燭之。讀其書未畢。齊軍萬弩俱發。魏軍大亂相失。龐涓自知智窮兵敗。乃自刎曰。遂成豎子之名。齊因乘勝盡破其軍。虜魏太子申以歸。孫臏以此名顯天下。世傳其兵法。所傳卽武十三篇也。

例言

一孫子十三篇與管子兵法篇相表裏。管子論其正。孫子則兼極其變。故兵法唯孫子得其全。

一黃帝李法。周公司馬法。太公六韜。原本世皆不傳。兵家言除管子外。唯孫子最古。陽湖孫氏星衍謂其書通三才五行。本之仁義。佐以權謀。者是也。然孫子權謀。務在不戰而屈人之兵。上則權謀正以曲成其仁義也。

一孫子論兵。全在精神氣志上振作。故其中篇義曰。作戰曰謀。攻曰兵。勢曰虛實。曰軍爭。曰九變。皆極控縱變化神奇之妙。管子所謂舉如飛。鳥動如雷霆。發如風雨。莫當其前。莫害其後。獨出獨入。莫敢禁圍者。是也。今日本傳西法。但示中人以步伐之粗。其精神作用。不使中人知之也。愚以爲若進以十三篇之妙用。則神而明之。必更有出於西法之上者。故今日將弁。尤不可不亟讀孫子。

一孫子之學。出於管子。而能神明於管子之外。管子論兵。務在先立富彊之本。然後以政加人。其言曰。爲兵之道。存乎聚財。而財無敵。存乎論工。而工無敵。存乎制器。而器無敵。存乎選士。而士無敵。存乎服習。而服習無敵。存乎徧知天下。而徧知天下無敵。存乎明於機數。而明於機數無敵。孫子則曰。任勢者。其戰人也。如轉木石。木石之性。安則靜。危則動。方則止。圓則行。故善戰人之勢者。如轉圓石於千仞之山者勢也。所以約束中令。婦人可教以戰。馬足等齊。勝負在我之自爲。此皆臨變制勝。運謀不測之道也。

一後世韜畧諸家。縱橫開闔。離合奇正。皆不能出孫子虛實一篇之範圍。後人所校計者。短長之度數。孫子所運用者。變化之機權。故曰微乎微乎。至於無形。神乎神乎。至於無聲。

一漢書藝文志。載孫子八十二篇。圖九篇。隋經籍志。載孫子八陳圖牝八變陳圖戰鬥六甲兵法。唐藝文志。載孫子三十二壘經。然兩漢之後。僞